

ხელშეკრულება №8
სახელმწიფო შესყიდვის შესახებ

დ. ადიგენი

16 იანვარი, 2019 წ.

ერთის მხრივ, ა.ა.ი.პ. „ადიგენის სკოლამდელი აღზრდის დაწესებულება“ (შემდგომში „შემსყიდველი“), მისი უფლებამოსილი წარმომადგენლის, დირექტორ მარინე ვარდიძის სახით, ხოლო მიღებაზე პასუხისმგებელი პირები - საბავშვო ბაღების მენეჯერები და მეორეს მხრივ, შ.პ.ს. „თორნიკე“ (შემდგომში „მიწოდებელი“), წარმოდგენილი მისი უფლებამოსილი წარმომადგენლის, დირექტორ ლევან ქიმაძის სახით, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებისა და ა.ა.ი.პ. „ადიგენის სკოლამდელი აღზრდის დაწესებულების“ მიერ სხვადასხვა საკვები პროდუქტების შესყიდვის მიზნით 2018 წლის 20 დეკემბერს გამოცხადებული **NAT180020444** ელექტრონული ტენდერის საფუძველზე ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია ა.ა.ი.პ. „ადიგენის სკოლამდელი აღზრდის დაწესებულების“ 2019 წლის ბიუჯეტის სახსრებით, ელექტრონული ტენდერის საშუალებით, დაწესებულებაში მყოფი საბავშვო ბაღებისათვის სხვადასხვა საკვები პროდუქტის (შემდგომში „შესყიდვის ობიექტი“) შესყიდვა.

2. შესყიდვის ობიექტი

2.1. სხვადასხვა საკვები პროდუქტი.

- კლასიფიკატორის კოდი:
- CPV **15530000** - [კარაქი](#)
- CPV **15511600** - [შესქელებული რძე](#)
- CPV **15551000** - [იოგურტი და სხვა ფერმენტიზებული რძის პროდუქტები \(მაწონი\)](#)

3. ხელშეკრულების ღირებულება

3.1. ხელშეკრულების ღირებულება საქართველოს კანონმდებლობით დადგენილი ყველა გადასახადის, ტრანსპორტირებისა და მასთან დაკავშირებული ყველა ხარჯისა და სხვა ხარჯების გათვალისწინებით არის **30996** (ოცდაათათასცხრასასოთხმოცდათექვსმეტი) ლარი, თანდართული ფასების ცხრილის შესაბამისად.

4. შესყიდვის ობიექტის ხარისხი

4.1. შესყიდვის ობიექტის ხარისხი უნდა შეესაბამებოდეს სატენდერო დოკუმენტაციის ტექნიკური პირობებით გათვალისწინებულ სტანდარტებს.

5. შესყიდვის ობიექტის მიწოდების პირობები

- 5.1. შესყიდვის ობიექტის მიწოდება განხორციელდება ეტაპობრივად, კვირაში ერთჯერ, ან/და „შემსყიდველის“ მოთხოვნის შესაბამისად, საბავშვო ბაღებში ღსაზრდელთა დასწრებისა და მენიუს გათვალისწინებით, ხელშეკრულების გაფორმებიდან 2019 წლის 31 დეკემბრის ჩათვლით, საბავშვო ბაღებში ადგილზე მიტანით.
- 5.2. შესყიდვის ობიექტის მიწოდების ადგილად განსაზღვრულია ადიგენის მუნიციპალიტეტის ტერიტორიაზე არსებული საბავშვო ბაღები (5.3. პუნქტი).
- 5.3. ცხრილი N-1

№	მიწოდების ადგილი	მისამართი
1	დ. ადიგენის საბავშვო ბაღი	დ. ადიგენი, თ. ერისთავის №18
2	დ. აბასთუმნის საბავშვო ბაღი	დ. აბასთუმანი, ასათიანის №2
3	სოფ. ვარხნის საბავშვო ბაღი	სოფ. ვარხანი
4	სოფ. არლის საბავშვო ბაღი	სოფ. არალი
5	სოფ. უდის N-1 საბავშვო ბაღი	სოფ. უდე
6	სოფ. უდის N-2 საბავშვო ბაღი	სოფ. უდე
7	სოფ. ბოლაჯურის საბავშვო ბაღი	სოფ. ბოლაჯური
8	სოფ. ზარზმის საბავშვო ბაღი	სოფ. ზარზმა
9	სოფ. ლელოვნის საბავშვო ბაღი	სოფ. ლელოვანი
10	სოფ. მოხეს საბავშვო ბაღი (სავარაუდოდ დაემატება სექტემბრიდან)	სოფ. მოხე

6. შესყიდვის ობიექტის მიღება-ჩაბარების წესი

- 6.1. შესყიდვის ობიექტი ჩაითვლება მიღებულად მხოლოდ შესაბამისად გაფორმებული მიღება-ჩაბარების აქტისა და სასაქონლო ზედნაღების წარმოდგენის შემდეგ.
- 6.2. შესყიდვის ობიექტის მიღებას ახორციელებს შემსყიდველისა და მიწოდებლის მიერ საამისოდ უფლებამოსილი წარმომადგენლები, რომლებიც შესყიდვის ბიექტის მიღების შედეგების მიხედვით აფორმებენ მიღება-ჩაბარების აქტს.

- 6.3. მიღება-ჩაბარება და შესაბამისი აქტის გაფორმება მოხდება საბავშვო ბაღებში შესყიდვის ობიექტის ადგილზე მიტანის დროს.
- 6.4. მიღება-ჩაბარების აქტისა და შესაბამისი სასაქონლო ზედნადების წარმოდგენის ვალდებულება ეკისრება „მიმწოდებელს“.

7. ანგარიშსწორების ფორმა და წესი

- 7.1. ანგარიშსწორება განხორციელდება უნაღდო ანგარიშსწორებით.
- 7.2. ანგარიშსწორება მოხდება ეტაპობრივად, საქონლის მიწოდების დამადასტურებელი დოკუმენტაციის (სასაქონლო ზედნადები და მიღება-ჩაბარების აქტი) წარმოდგენის საფუძველზე, 10 სამუშაო დღის ვადაში.

8. მხარეთა უფლება-მოვალეობები

8.1. შემსყიდველი ვალდებულია:

- 8.1.1. უზრუნველყოს მისთვის გადაცემული შესყიდვის ობიექტის შესაბამისი ანაზღაურების გადახდა მიმწოდებლისათვის წინამდებარე ხელშეკრულების პირობათა სრული დაცვით.
- 8.1.2. შესყიდვის ობიექტის მიღებისთანავე გააფორმოს მიღება-ჩაბარების აქტი.

8.2. შემსყიდველი უფლებამოსილია:

- 8.2.1. მიმწოდებლისგან მოითხოვოს უფლებრივად და ნივთობრივად უნაკლო შესყიდვის ობიექტის მიღება ხელშეკრულებით დადგენილი ოდენობითა და დადგენილ ვადაში.
- 8.2.2. მიმწოდებლის მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება.
- 8.2.3. თვითონ ან მოწვეული ექსპერტების მეშვეობით დაუბრკოლებლივ განახორციელოს მიმწოდებლის მიერ გადაცემული შესყიდვის ობიექტის ხარისხის შემოწმება.
- 8.2.4. მიმწოდებლისგან მოითხოვოს შესყიდვის ობიექტის გადაცემის შესახებ დადგენილი ფორმის მიღება-ჩაბარების აქტის გაფორმება.

8.3. მიმწოდებელი ვალდებულია:

- 8.3.1. ხელშეკრულებით დადგენილ ვადაში ხელშეკრულებით დადგენილი ოდენობითა და ღირებულებით მიაწოდოს უფლებრივად და ნივთობრივად უნაკლო შესყიდვის ობიექტი.
- 8.3.2. ხელშეკრულების მოქმედების პერიოდში მოთხოვნის შესაბამისად, შემსყიდველს წარუდგინოს შესყიდვის ობიექტთან დაკავშირებით ნებისმიერი სახის ინფორმაცია და დოკუმენტაცია.
- 8.3.3. საკუთარი ხარჯებით უზრუნველყოს შემსყიდველის მიერ გამოვლენილი შესყიდვის ობიექტის მდგომარეობასთან დაკავშირებული ყველა ნაკლის აღმოფხვრა.
- 8.3.4. მოთხოვნის შესაბამისად, შემსყიდველს წარუდგინოს შესყიდვის ობიექტის მიწოდებასთან დაკავშირებით შესყიდვის ობიექტის შესახებ შესაბამისი პირველადი დოკუმენტაციის ასლები და ანგარიში, რომლის შედეგადაც გაფორმდება დადგენილი ფორმის მიღება-ჩაბარების აქტი.
- 8.3.5. დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ.
- 8.3.6. ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს შემსყიდველს შესაბამისი თანხმობის მისაღებად.

8.4. მიმწოდებელი უფლებამოსილია:

- 8.4.1. შემსყიდველისგან მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

9. უფლებების გადაცემა

- 9.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

10. ხელშეკრულების პირობების გადასინჯვის შესაძლებლობა

- 10.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.2. ხელშეკრულების ღირებულების შეცვლა ხდება მხარეთა შეთანხმებით.

11. ხელშეკრულებაში ცვლილების შეტანა

- 11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.
- 11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულება იმ გარემოებასთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.
- 11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. შეტყობინება

- 12.1. ნებისმიერი შეტყობინება მხარის მიერ, ხელშეკრულების შესაბამისად, გაგზავნება მეორე მხარეს წერილობითი სახით, ხელშეკრულებაში მითითებული მეორე მხარის მისამართზე.
- 12.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13. ხელშეკრულების შესრულების შეფერხება

- 13.1. ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ შესრულების ან არაჯეროვნად შესრულების საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე, ასევე, დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.
- 13.2. იმ შემთხვევაში, თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. ხელშეკრულების პირობების შეუსრულებლობა

- 14.1. ხელშეკრულებით დამტკიცებული ვადების დარღვევისათვის მხარეები ჯარიმის სახით გადაიხდიან სახელშეკრულებო შესასრულებელი ვალდებულების 0.01%-ს, ყოველ ვადაგადაცილებულ დღეზე.
- 14.2. საჯარიმო თანხის გადახდა უნდა მოხდეს ვალდებულების შეუსრულებლობის მომენტიდან ერთი თვის ვადაში.
- 14.3. საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

15. ხელშეკრულების მოქმედების შეწყვეტა

- 15.1. ხელშეკრულებით მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.
- 15.2. ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 2 (ორი) კვირით ადრე მაინც, ამასთან, უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 15.3. ხელშეკრულების ცალკეული პირობების მოქმედების შეწყვეტა, არ ათავისუფლებს მხარეებს დანარჩენი ვალდებულებების შესრულებისაგან.

16. ფორს-მაჟორი

- 16.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით და გაგრძელდება აღნიშნული გარემოებების დასრულებისთანავე.
- 16.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება 3 (სამ) თვეზე მეტ ხანს, მხარეებს უფლება აქვთ, შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 16.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

17. დაგების გადაწყვეტის წესი

- 17.1. ხელშეკრულების შესრულებისას მხარეთა შორის წამოჭრილი დაგები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 17.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

18. ხელშეკრულების ინსპექტირების პირობები

- 18.1. შემსყიდველს ან მის უფლებამოსილ წარმომადგენელს უფლება აქვს ხელშეკრულების მიმდინარეობის ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.
- 18.2. ხელშეკრულების კონტროლს ახორციელებს შემსყიდველის მიერ სპეციალურად ამისთვის გამოყოფილი ინსპექტირების ჯგუფი.
- 18.3. ინსპექტირება განხორციელდება წარმოქმნილი საჭიროებიდან გამომდინარე.
- 18.4. შემსყიდველი უფლებამოსილია განახორციელოს ხელშეკრულებით ნაკისრ ვალდებულებათა შესრულების, აგრეთვე მიღებული შესყიდვის ობიექტის ხარისხის, რაოდენობის, შენახვის და მიწოდების ვადების კონტროლი.
- 18.5. მიმწოდებელი ვალდებულია შესყიდვის ობიექტის მიწოდების განხორციელების დროს ინსპექტირების ჯგუფს შემოწმების პროცესში აღმოუჩინოს ხელშეწყობა, არ შეუქმნას ხელიშეშლელი პირობები და წარუდგინოს შესყიდვის ობიექტის მიწოდებასთან დაკავშირებით ნებისმიერი სახის ინფორმაცია და დოკუმენტები.

19. დასკვნითი დებულებანი

- 19.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გარდმაგების სურვილით.
- 19.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.
- 19.3. მხარეები ვალდებული არიან დაიცვან, ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

- 19.4. ხელშეკრულების მხარეებს არა აქვთ უფლება, გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების შესახებ და ა.შ. თუ წინასწარ არ მოხდება შესაბამისი საკითხის ერთობლივი შესწავლა და შესაბამისი ფაქტების დადასტურება.
- 19.5. ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.
- 19.6. ხელშეკრულება ძალაში შედის მხარეთა მიერ მისი ხელის მოწერიდან და მოქმედებს 2020 წლის 31 იანვრის ჩათვლით.
- 19.7. წინამდებარე ხელშეკრულება შედგენილია თანაბარი იურიდიული ძალის მქონე 2 (ორ) ეგზემპლარად და ინახება ხელმომწერ მხარეებთან.

20. მხარეთა დასახელება, მისამართები და საბანკო რეკვიზიტები:

„შემსყიდველი“

ა.ა.ი.პ. „ადიგენის სკოლამდელი აღზრდის დაწესებულება“

მის: დ.ადიგენი, ა.ბალახაშვილის ქუჩა №19; ს/კ: 222729279;

ანგარიშის GE24NB0330100200165022; სახელმწიფო ხაზინა, TRESGE22

დირექტორი:

/მ. ვარდიძე/

„მიმწოდებელი“

შ.პ.ს. „თორნიკე“

მის: დ.ადიგენი, თამარ მეფის ქ. №1; ს/კ: 222726913; ანგარიშის №GE32LB0113167614565000;

მომსახურე ბანკი: ს.ს. „ლიბერთი ბანკი“; ბანკის კოდი: LBRTGE22

დირექტორი:

/ლ. ქიმაძე/